

RREGULLORE NR. 2004/28

**PËR SHPALLJEN E LIGJIT TË MIRATUAR NGA KUVENDI I KOSOVËS
PËR VETERINARINË**

Përfaqësuesi Special i Sekretarit të Përgjithshëm,

Në pajtim me autorizimin që i është dhënë me Rezolutën 1244 të Këshillit të Sigurimit të Kombeve të Bashkuara të datës 10 qershor 1999,

Në përputhje me nenet 8.1, 9.1.44 dhe 9.1.45 të Kornizës Kushtetuese për Vetëqeverisje të Përkohshme (Rregullorja e UNMIK-ut nr. 2001/9),

Duke marrë parasysh shkresën zyrtare të Kryetarit të Kuvendit të Kosovës të datës 6 korrik 2004 lidhur me Ligjin për veterinarinë të miratuar më parë nga Kuvendi i Kosovës më 16 qershor 2004,

Me anë të kësaj shpall të vlefshëm në datën e nënshkrimit Ligjin për veterinarinë të miratuar nga Kuvendi i Kosovës i cili i është bashkëngjitur kësaj Rregulloreje (Ligji nr. 2004/21), me kusht që:

(a) Dispozitat e ligjit, në veçanti ato të përcaktuara në nenet 4(f), 6.2(d), 11.2, 21 dhe 37 të zbatohen në përputhje të plotë me nenet 8.1(m) deri në (p) të Kornizës Kushtetuese për Vetëqeverisje të Përkohshme dhe me qëllim të zbatimit, shprehjet “import” dhe “eksport” të përkufizuara në nenin 3 të Ligjit dhe shprehjet e prejardhura nga to të interpretohen në përputhje me Rezolutën 1244 (1999) të Këshillit të Sigurimit të Kombeve të Bashkuara,

(b) Në nenin 2.1(a)(ii), shprehja “rregulloret” të zëvendësohet me “udhëzimet administrative”; në nenin 6.2(d), fjalët “përfaqëson Kosovën” të zëvendësohen me “merr pjesë”; në nenet 15.2, 16.2 dhe 17.2, fjalët “publikimi në gazetën zyrtare” të zëvendësohen me “publikimi zyrtar”; në nenet 45 dhe 46, fjalët “Dispozitat ndëshkimore” të zëvendësohen me “Sanksionet administrative”; në nenin 47, fjala “përkohësisht” të fshihet,

(c) Nenet 45.3 dhe 45.4 të fshihen dhe të zëvendësohen me një nen të ri 45.3 si më poshtë:

Secili që gjatë kohës së ndonjë epidemie të dyshuar ose të vërtetuar, e cila mund të rrezikojë blegtorinë, nuk i përmbahet ndonjë vendimi apo urdhri të nxjerrë nga SHVUK-ja në përputhje me këtë ligj, i cili parashtron masat për të shuar ose

parandaluar sëmundjen, dënohet në pajtim me dispozitat në fuqi të Kodit të përkohshëm penal të Kosovës,

Ndryshimet në pikat (b) dhe (c) më lart do të përfshihen në tekstin përfundimtar zyrtar të këtij Ligji.

Nënshkruar sot, më 30 korrik 2004.

Charles Brayshaw
Ushtues detyre i Përfaqësuesit Special të Sekretarit të Përgjithshëm